



Bo Martinsen
Inatsisartumut ilaasortaq, Demokraatit

§ 37 naapertorlugu apeqputip nr. 192/2025 akineqarnera

Asasara Bo Martinsen

Inatsisartut suleriaasianni § 37 imm. 1 naapertorlugu Naalakkersuisunut apeqquteqarputit. Apeqqutinnut qujanaq, taakkulu uannut akeqquneqarput. Apeqqutigineqartut ilaarnearlutik akissuteqarfigineqassapput.

Dato: 03-12-2025
Suliap nr: 2025 - 23580
Akt nr: 25964109

Postboks 1160
Tlf: 34 50 00
Fax: 34 55 05
3900 Nuuk
Email: pn@naanoq.gl
www.naalakkersuisut.gl

1. Katsorsaavik Nuuk 2026-mi marsip 31-ani katsorsaanimik unitsitsippat, atornerluisunik katsorsaaneq manna tikillugut ingerlaannarsinnaanissaa Naalakkersuisut qanoq qulakkeerniarpaat?

Akissut:

Naalakkersuisut taamatuttaaq Kalaallit Nunaanni Peqqinnissaqarfik, tamatumani Allorfik ilanngullugu, Katsorsaaviup nammineq pigisup katsorsaanimik unitsitsivittussanngorneranik ilisimatinneqarnikuunngillat.

Pinngitsuisinnaajunnaarsimanermut katsorsaasoqarnissaanik suliniutinut imikkoortunut 14-nik isumaqatiginninnissamik Allorfimmiit ulloq 1. april 2025 neqeroortoqarpoq. Katsorsaavimmiit ataatsimik neqeroortoqarpoq, taanna isumaqatigiissutigineqartumi neqeroorutinit tamanut pineqarput. Tamanut ammasumik neqeroortoqareernerata kingorna nuna tamakkerlugu Nuummi katsorsaaveqarnissaanik suliaqarnissamut Katsorsaavimmut tunniunneqarpoq, isumaqatigiissutigineqartullu atuuttut unippata Tasiilami ulloq 1. april 2026 atuutilersinneqassaaq. Pinngitsuisinnaajunnaarsimanermut katsorsaanissamut neqeroortitsinermut piumasaqaatini imm. 5.3 naapertorlugu isumaqatigiissutigineqartut allat atuutilersinngillat, neqeroortigineqarsimasut neqeroortitsineri aningaasatigut killiliussamik annertunerunera pissutaalluni.

a. Aaqqiissutissamik nassaartoqareerpa?

Akissut:

Kalaallit Nunaanni Peqqinnissaqarfimmiit ilisimatitsissutigineqarpoq, ingerlanneqartartut unitsinneqartut eqqarsaatigalugit pinngitsuisinnaajunnaarnermik katsorsaasoqartarnissaanik allatut iliortoqarsinnaannginnersoq Allorfimmiit eqqarsaatigineqaleruttorpoq.

Pinngitsuisinnaajunnaarnermik katsorsaasarneq pillugu Inatsisartut inatsisaat nr. 10 12. juuni 2019 -imeersoq malillugu Allorfimmi pinngitsuisinnaajunnaarnermik katsorsaasarneq ingerlanneqarallassaaq.

Saniatigut uku neqeroorutaassapput:

- Allorfimmik ingerlatsiffeqanngitsuni nittartakkat aqutigalugit innuttaasunik katsorsaaneq. Tamanna sivilisuumik utaqqinngikkaluarluni sumiiffinnullu imaluunniit Nuummuk angalanngikkaluarluni innuttaasunik katsorsaasoqarsinnaanissaanik qulakkeerinnittoqassaaq.
- Katsorsaasoqarsinnaanut innuttaasut naammappata najugaqarfinni minnerusuni annertusisakkamik sumiiffinni kommuni suleqatigineratigut Allorfimmiit katsorsaasoqarsinnaavoq.
- Katsorsaavimmi Nuummi Aqqusinersuarmiittumi sapaatit akunnerini 5-6-ni katsorsartissinnaanissaq sulii periarfissaassaaq. Tamanna, neqeroortitserernerup kingorna isumaqatigiissuteqartoqarneratigut, Katsorsaavik ApS-imiit sivikinnerpaamik ukiuni pingasuni ingerlanneqassaaq.

Apequtiginerartumi siullermi tamanna aamma akissutiginerpoq.

i. Taamaassimappat; aqqiissutissaq suua?

Akissut:

Apeqummi 1-mi aamma 1a-mi akissut takuuk.

2. Katsorsaavik Nuuk matutinnagu atornerluisunik katsorsaanerup siunissaa pillugu, matumani aqqiissuussineq, nuna tamakkerlugu periarfissiinissaq, aningaasalersuinerlu ilanngullugit, Naalakkersuisut ataatsimut pilersaarummik saqqummiussiniarpat?

Akissut:

Katsorsaasarnermut Naalakkersuisut pilersaarutaat pingaarneq *Siunissami nuna tamakkerlugu atornerluisunik katsorsaasalernissamut pilersaarummi* taamatullu *Meeqqanut inuusuttunullu aanngajaarniutinik aningaasanoortarnermillu ajornartorsiutilinnut neqeroorutinik pilersaarutit* tak. Aningaasanut inatsisit 2026 missingersuutitut nalunaarsuiffik konto pingaarneq 34.11.08.

Apeqummi 1-mi aamma akissut takuuk.

3. Allorfik massakktut katsorsaaviinnarani aallaqqaataanisulli paasisamasarfittut, piginnaasanullu centerinngorteqqinniarlugu Naalakkersuisut pilersaaruteqarpat?

Akissut:

Allorfik pinngitsuuisinnaajunnaarnermut ilisimasarfissatut Naalakkersuisunit ulloq 1. januar 2016 pilersinneqarpoq, tak. 'Pinngitsuuisinnaajunnaarnermut katsorsaasaneq pillugu Inatsisartut inatsisaat' § 7.

Tamatuma saniatigut Naalakkersuisut inatsisaat malillugu assinganik tak. § 11-mi kommunini tamani sumiiffinni katsorsaavinnik pilersitsippat: Allorfik Avannaa

(Ilulissat), Allorfik Kujalleq (Qaqortoq), Allorfik Qeqertalik (Aasiaat), Allorfik Qeqqata (Sisimiut) aamma Allorfik Sermersooq (Nuuk).

Sumiiffinni katsorsaaviit pineqartut Allorfiup aqqissuusaaneranut atapput, sumiiffinnilu Allorfimmi suliarineqartartut malillugit suliaqartuullutik.

Ilanngunneqarsinnaavoq tak. § 4-mi " Naalakkersuisut pinngitsuuisinnaajunnaarnermut katsorsartinnissamik neqerooruteqarsinnaapput nammineq katsorsaavinni ingerlataminni imaluunniit kommunit, pisorta qarfiit allat imaluunniit neqerooruteqartut namminersortut suleqatigalugit."

Taamaalilluni Allorfik pinngitsuuisinnaajunnaarnermik ilisimasaqarfittut katsorsaavittullu neqerooruteqartalerpoq.

Naalakkersuisut peqqissutsimut annertusisamik isumaqatigiissutissaq piareersaleruttorpaat. Tamatumunnga atatillugu imigassaq pillugu isumaqatigiissusiornissamut anguniagaqatigiinnermik nalunaaruteqartoqarsinnaaqqullugu partiit imigassaq pillugu politikikkissap tamatumalu ilutigisaanik katsorsaaneramik neqeroorutissat isummerfiginissaannut periarfissinneqarput.

a. Taamaattoqassagaluarpas Allorfiup suliaassaa allanngortinneqassappat, nunami katsorsaannissamik neqeroorutit suli naammattut pigineqarnissaat Naalakkersuisut qanoq qulakkerniarpaat?

Akissut:

Apeqqummut 3-mut akissut takuuk.

Allorfimmi suliatigut akisussaaffitsigullu allanngortoqassappat, Inatsisartuni akuerineqartussamik tunngaviusumik inatsisitigut allannguinnissaq pisariaqarpoq. Maanna neqeroorutaasut naammangitsuusorineqarpata, Naalakkersuisut nunatsinni sumiiffinni tamani katsorsaaneramik neqeroorutitigut periarfissatigullu qanoq pitsanngorsaannissamut erseqqissunik siunnersuuteqartoqarpat qujarutikutsuussavaat.

b. Katsorsaasut suliatigut ilitsersueqatigiinnissamut, ilinniarnissamut, piginnaanngorsarnissamullu suli periarfissaqarnissaat Naalakkersuisut qanoq qulakkeerniarpaat?

Akissut:

Uppernarsaatilinnik nalunaarsuisarnermik tunngaveqarluni Allorfimmiit una suliarineqarpoq.

Ulluinnarni sulinermi misissugassatut katersat supervisionimut siunnersueriaaseqarnermi, ilinniartitaanermi piginnaanngorsaanermilu ataavartumik suleriutsinut periuserineqarlutik siunertaqarsinnaapput. Tamanna katsorsaanerup pitsaassusaanut, Allorfimmilu imminut toqunnissamut eqqarsaateqartunut, aappariinnut ilaqutariinnullu oqaloqateqartarnermut taamatullu innuttaasuni

siusinaarluni iliuuseqarnissamut suliniutinut ukiuni kingullerni qulakkeerneqartarsimavoq.

4. Peqatigiilluni suliniuteqarnissaq pillugu 2025-2026-mut isumaqatigiissut aqputigalugu Naalakkersuisut Kommune Kujallermi isumaginninnermut aningaasat immikkoortitaasa (6 mio. koruunit) ilaat, atornerluisunik katsorsaannissamut atorneqassasut eqqarsaataava?

- a. Taamaassimappat – aningaasat piviusumik qanoq agguataarneqarpat, atorneqarlutillu?
- b. Taamaassimangippat – peqatigiilluni suliniuteqarnissaq pillugu isumaqatigiissutaasussani atornerluisunik katsorsaanerup pingaarnersiorneqarnissaa Naalakkersuisut qanoq qulakkeerniarpaat?

Akissut:

Apeqputigineqartunut Meeqqanut, Inuusuttunut Ilaqutariinnullu Naalakkersuisoqarfimmiit akisoqarnissaanik Peqqissutsimut inunnnullu Innarluutilinnut Naalakkersuisoqarfimmiit piumasoqarnikuuvuq. Ima akisoqarpoq:

"Kommune Kujalleq suleqatigalugu suliniutinut aningaassaliissutigineqartut pinngitsuuisinnaajunnaarnermut katsorsartinnissamut atorneqarnissaat siunertaanngilaq.

b. Pinngitsuuisinnaajunnaarnermut katsorsaaneq nuna tamakkerlugu neqeroorutaammat, kommuninut allanut suleqatigiinnissamik isumaqatigiissutigineqartunut tunnganissaa pilersaarutaanngilaq."

5. Peqatigiilluni suliniuteqarnissaq pillugu Kommune Kujallermut isumaqatigiissut 2026-mi atorunnaarpat isumaginninnermi suliniutit, matumani atornerluisunik katsorsaaneq ilanngullugu, ingerlateqqinneqarniassammata aamma annertusineqarniassammata, taassumap sivitsorneqarnissaanut imaluunniit annertusineqarnissaanut Naalakkersuisut suliniuteqassappat?

- a. Kommuninut allanut assingusumik peqatigiilluni suliniuteqarnissaq pillugu isumaqatigiissusiornissaminnik Naalakkersuisut pilersaaruteqarpat?

Akissut:

Apeqputigineqartunut Meeqqanut, Inuusuttunut Ilaqutariinnullu Naalakkersuisoqarfimmiit akisoqarnissaanik Peqqissutsimut inunnnullu Innarluutilinnut Naalakkersuisoqarfimmiit piumasoqarnikuuvuq. Ima akisoqarpoq:

"Kommune Kujalleq suleqatigineqaqqinnissaa annertunerusumiluunniit suliniuteqaqqittoqarnissaa massakkuugallartumut pilersaarutigineqanngilaq. Suleqatigiinnissamut isumaqatigiissut 2026-p naanerata tungaanut ingerlanneqarnissaa naatsorsuutigineqarpoq.

- a. *Kommunit allat eqqarsaatigalugit suleqatigiittoqarnissamik isumaqatigiittoqarnissaa massakkuugallartumut naatsorsuutigineqanngilaq."*

6. Sammisamut soqutiginartunik allanik Naalakkersuisut paasissutissiisinnaappat?

Akissut:

Neqerooruteqartartuni namminersortut suliffeqarfiutiminnik matusisariaqalernissaasa angutserneqarnissaa kissaatigineqarneraasoqarluni inoqatinut attaveqaatikkut siammarterisoqartartoq, Naalakkersuisut arajutsisimanngilaat. Allorfiup peqqinnissaqarfiup ataani inissisimasutut inatsisit atuuttut pinngitsuuisinnaajunnaarnermullu katsorsaanermik nunatsinni neqeroorutitut atugassatut aningaasaliissutaasut tunngavigalugit ingerlatsinerata erseqqissaatiginissaa pingaartuuvoo. Suliassanut allanut takkussortunut inatsisit neqeroortitsinermullu malittarisassat naapertorlugit neqeroortitsisoqartarpoq.

Naalakkersuisut partiinik tamanik innuttaasunut pinngitsuuisinnaajunnaarsimasunut katsorsaanermik neqeroorutitik qanoq pitsanngorsaasoqarsinnaaneranik isumaat tusarniarlugit oqaloqatiginissaat qilanaaraat. Tamatumani eqqartorneqartut assersuutigalugu pinngitsuuisinnaajunnaarnermut nunatsinni katsorsaanermut pitsaanerusumik ataatsimoorluta tunngavisseeqatigiinnissamut iluaqutaasussamik peqqissutsimut annertusisamik isumaqatigiissutissamut ilanngunneqarsinnaapput.

Inuulluagqusillunga



Anna Wangenheim